

Gyeh a habri su exposicion Mystique



ORANJESTAD (AAN):— Gyeh a escohe e fecha 06 06 2006 pa e apertura di su exposicion “Mystique”. Contrario na varios creencia e no ta e famoso “number of the beast”, pero si e Arcana Mayor “Judgment” di cual su quintessence ta e “High Priestess”. Na e momento aki Aruba ta pasando den un crisis cu lo afecta nos tanto tereno social como economico y spiritual etc. E crisis aki por hiba Aruba hopi atras y hasta pone Aruba riba e lista di paisnan di e asina yama “Tercer Mundo”. Sin embargo e speranza tey cu tur cos por drecha ainda.

Speranza ta locual Gyeh kier pasa pa e publico den su exposicion: na final di e tunnel semper tin un luz cu ta briya. E crisis aki por wordo considera como algo sumamente negativo pero tambe por bira e medaya y mire como un oportunidad. E oportunidad pa crece spiritualmente, evalua bida y descubri su esencia, descubri “e berdad di bo”. Cu e berdad aki Gyeh kier meen esun cu bo propio alma ta indica bo, contrario di esun cu ta bin di afo. Expo Mystique simplemente kier comparti un momento magico cu “bo mes”. Mystique mes ta tur caminda y tur momento.